

# Siglingaklúbburinn Þytur.

Aðalfundur

Haldinn 26. október 1997

Skýrsla stjórnar.

## Inngangur.

Á síðasta aðalfundi Þyts voru eftir taldir kosnr í stjórn félagsins.

Formaður kosinn til eins árs, Egill Kolbeinsson.

Meðstjórnendur til tveggja ára,

Áskell B. Fannberg

Jónas Hólmgeirsson

Fyrir sátu í stjórn þeir Atli Hjartarson og Helgi Ívarsson.

Í varastjórn voru kosnr,

Gunnar Geir Halldórsson.

Guðmundur Ásmundsson

Friðrik Hafberg.

Á síðasta starfsári voru haldnir um 20 fundir fyrir utan fjölmarga fundi með bæjaryfirvöldum, því ekki komin lóðin sem þeir lofuðu okkur.

## Vetrarstarf.

Ekki fór eins vel úm bátana veturninn 96 til 97 og undanfarin ár því alltaf verður erfiðara að fá ódýrt og gott húsnaði, þeir voru geymdir utandyra þar til Magnús Jónsson í Skuld miskunaði sig yfir bátana og lánaði okkur hlöðuna. Endurnýjaður var fittings á bátunum og þyngingu bætt neðan á kjöl. Eru Skeggi og Þerna nú betur búnar fyrir siglingar hér við land, stöðugri og með sterkari blakkir og klemmur. Þó finnst sumum siglurum að bátarnir séu ekki eins lifandi núna. Nýju seglin voru tekin í notkun í sumar og reynindust þau bara þokkaleg þrátt fyrir aðra lögum og þyngd. Var loksins sett auglýsing frá Sæunn Axels h/f bæði á skrokk og segl.

Í tilefni af smáþjóðaleikum voru fluttir til landsins yfir tuttugu Laser bátar sem yrðu til sölu eftir leikana. Ekki gátum við verið minni en aðrir klúbbar og festum því undir haust kaup á tveimur bátum í þeirri von að bréfsem við sendum bænum þar sem farið var fram á styrk til þessara kaupa yrði samþykkt. Það gékk í gegn fyrir velvilja bæjarstjóra og eigum við núna tvær nýja Laser kænur auk einnar notaðrar sem við keyptum í viðbót. Þannig er bátafloti klúbbsins smátt og smátt að aukast go erum við hægt og rólega að byggja fyrir framtíðina. Kerrur undir nýju Laser kænurnar hefur Gunnar Geitlsmíðað þannig að okkur er ekkert að vanbúnaði að fara að nota þá.

Óskagrún Þórsson

Það hefur komist sá síður á að stjórn og aðrir velunnarar klúbbsins koma saman laugardagsmorgunn einn í desember þegar halla fer undir jól og fá sér síld og annað góðgæti. Það vildi svo skemmtilega til að sama dag var kveikt á jólatré Cuxhavenborgar við Fornubúdir. Okkur fannst þetta alveg kjörið tækifæri til að koma okkur á framfæri og buðum því öllum sem við þá athöfn voru að njóta síldarinnar með okkur, fór þetta allt vel fram. Leggjum við til að þegar okkar hús er komið upp og orðið mönnum bjóðandi, þá verði þessi athöfn sem tendrun grenitrésins er flutt yfir á okkar svæði og tilefnið notað til að koma á tengslum við siglingaklúbba vinabæja Hafnarfjarðar. Fyrir jól samþykktu loks bærinn og hafnarstjórn formlega að láta af hendi við Þyt lóðina sem bæjarstjóri lofaði okkur á afmælinu. Þegar lóðin var endanlega komin tóku við samningar um framkvæmdir sem enduðu með undirskrift bæjarstjóra og formanns Þyts þann 12. apríl 1997, þar sem Hafnarfjarðarbær skuldbindur sig að borga sinn hlut sem er 80 % af 26 milljóna kostnaðaráætlun eða um 21 milljón á þessu og næstu þremur árum, eftir að aukaaðalfundur hafði gefið stjórn Þyts leyfi til að fara út í þessar framkvæmdir. Lóðin var ekki tilbúin. Það átti eftir að samþykka þetta deiliskipulag hjá skipulagi ríksins og það tók sinn tíma. Þetta er búið að vera mjög langur tími fyrir ópolinmóða stjórn og félag sem er búið að bíða í yfir 20 ár.

Nú er staðan sú að endalegar teikningar eru komnar og beðið er eftir tilboðum í húsið til að við getum byrjað að byggja.

## Sumarstarf.

Sumarstarfið hófst með opnunarmóti SÍL sem tókst vel. Var keppt frá Reykjavík til Hafnarfjarðar og voru verðlaun og kaffisamsæti eftir móti í boði Hafnarstjórnar. Eigi þeir hinari bestu þakkir fyrir. Minna varð úr siglingum hér í firðinum í sumar en vænta mætti og gengur það ekki að bátar klúbbsins séu bundnir við bryggju lungað úr sumrinu. Það er ekki afsókn að dýrt sé að sigla á bátum klúbbsins því sérstakt átak var gert til að laða sem flesta að með breytingum á siglingagjöldum. Er nú bæði ódýrara og fjölskylduvænna að eyða frítima sínum á góðviðrisdegi á bátum klúbbsins. Félagar í Þyt voru seinnipartinn alla fimmtudaga niður á bryggju tilbúnir að sigla með gesti væri þess óskað. Smáþjódaleikar voru haldnir hér á landi í byrjun júní og var keppt í siglingum í fyrsta sinn. Ekki átti Þytur fulltrúa meðal keppenda í þetta sinn, Það kemur seinna. En við áttum okkar starfsmenn við þetta móti og hefur það kennt okkur mikið að fá að vera við alþjóðamót af þessari stærðargráðu. Eftir því sem okkur vex fiskur um hrygg og eftir að hafa staðið fyrir þessu siglingamótum má búast við að farið verði fram á við okkur að halda siglingamót alþjóðleg með aðstoð annarra þjóða. Mikið stóð til í sumar floti báta ætlaði að sigla hina gömlu leið vikinga til Ísland og var stefnt að flestir þeirra kæmu í heimsókn á vikingahátiðina sem haldin var í Hafnarfjörði. Skemmst er frá því að segja að vegna veðurs þá tafðist siglingin og bátarnir komu aldrei til okkar. Norðmenn komu þó færandi hendi með forlátu innfjarðarbát, sem kemur til með sóma sér vel í hinum nýja húsi okkar.

árangur í mótum.

## Námskeið.

Sótt var um styrk til bæjarins til smiði á nokkrum optimist bátum auk þess var fram á að laun leiðbeinanda yrðu greidd af bænum. Þess má geta að styrkur bæjarins átti að fara í kostnað við skrokka optimistbátana annað ætluðum við að sjá um sjálfir. Parna var gerð tilraun til að koma

af stað siglinganámskeiðum á hafnarsvæðinu í stað þeirra sem strönduðu á Hvaleyrarvatni. Þessu bréfi var aldrei svarað.

Um vorið fengum við Arnþór Ragnarsson til að setja saman kynningasiglingar og námskeið fyrir alla unglunga í vinnuskólanum. Var þetta gert að undirlagi ÆTH. Tilgangurinn var að gera rekstrarsamning við bæjaryfirvöld svipaðan þeim sem önnur íþróttafélög hafa gert og er grunnurinn að öllu starfi þeirra. Við lögðum fram drög að samstarfssamningi sem gilda átti fyrir júlí og ágúst. Þessum samningi var hafnað án skýringa. Þessi samningur verður aftur lagður fyrir íþróttaráð, því við eignum jafnan rétt við önnur íþróttafélög. Þar sem engin styrkur fékkst til námskeiðshalds fyrir börn og unglunga var ekki farið út í þann kostnað sem því fylgdi án öruggra tekna. Það kemur aftur og aftur fram að ýmis öfl i bæjarkerfinu eru okkur óvinveitt og reyna að hindra þau málefni sem við leggjum fyrir yfirvöld. Það er því nauðsynlegt að félagar tali máli klúbbsins hvenær sem kostur gefst og sýni öllum að við erum fyrst og fremst íþróttafélag.